

MESIN pengupas kulit lada putih ciptaan UPM.

# Mesin hasil lada putih berkualiti



PENANAM lada tekun belajar mengendalikan mesin Pepper Peel-O-Matic.

AGENSI bawah Kementerian Perusahaan Perladangan dan Komoditi (MPIC) yang telah diamanah dan dipertanggungjawab untuk menggalakkan pembangunan industri lada, MPB akan terus merangka, membangun dan melaksanakan dasar-dasar strategik serta program yang akan memberi manfaat secara langsung kepada pekebun, peniaga, usahawan dan juga pengekspor.

Usaha yang strategik dan berterusan akan terus dilaksanakan di seluruh negara untuk menggalakkan penanaman lada baharu bukan sahaja dalam kalangan pekebun kecil malah syarikat swasta, badan-badan atau agensi kerajaan.

Selain itu, bagi memastikan industri lada ini terus mampu dan berdaya saing, MPB akan

terus menggalakkan inisiatif pembaharuan strategik, inovasi yang berterusan serta penerokaan inisiatif baharu, di samping memupuk kerjasama strategik yang berorientasikan aspek keusahawanan bersama dengan pihak berkepentingan.

Sehingga kini Sarawak memang terkenal sebagai pengeluar lada terbesar di negara ini iaitu penyumbang 98 peratus dan selebihnya adalah Johor. Penghasilan lada putih dan lada hitam merupakan aktiviti utama penduduk rumah panjang di Sarawak terutama di daerah Betong. Lada varieti Kuching banyak ditanam untuk penghasilan lada putih kerana kulitnya lebih nipis.

Semanggok Aman dan Semanggok Emas juga menjadi pilihan pengeluar lada putih. Lada putih berkualiti premium

menawarkan harga tinggi daripada lada putih biasa dan menjadi pilihan utama pengusaha lada putih. Kualiti lada putih berkualiti premium adalah lada berwarna *creamy white* iaitu warna putihnya menyerlah dengan tiada warna keperangan atau kehitaman pada permukaan biji lada putih. Di samping saiz lada putih mestilah melebihi empat milimeter (mm).

Lada yang berwarna hijau dipetik, dilerakan daripada tangki dan terus dijemur pada panas matahari selama antara tiga hingga lima hari bergantung kepada keadaan cuaca.

Lada hitam menjadi pilihan untuk lada yang belum matang. Warna hitam akan bertukar daripada hijau semasa proses pengeringan, manakala lada putih dihasilkan daripada lada matang iaitu kulitnya berwarna kuning kemerahan.

Pekebun lada di Sarawak masih mengamalkan cara tradisional atau manual dalam penghasilan lada putih. Kulit hijau lada perlulah dibuang untuk mendapatkan biji lada di dalamnya.

Cara membuang kulit hijau yang masih diamalkan sehingga kini iaitu selepas dipetik lada dimasukkan ke dalam guni dan direndam dalam sungai sehingga 14 hingga 20 hari untuk proses pereputan kulit hijau. Selepas itu, lada akan digosok untuk menanggalkan kulit luar yang sudah reput dan memberikan biji lada tanpa kulit.

Kemudian akan dikeringkan pada Cahaya Matahari selama antara tiga lima hari. Warna putih biji lada ini akan terselar selepas

pengeringan. Cara tradisional ini memakan masa yang lama, malah kebersihan dan produktiviti lada kurang memuaskan terutama penghasilan lada putih premium agak terhad. Ini salah satu sebab kenapa harga lada putih lebih mahal dari lada hitam.

Justeru dengan itu, mesin Pepper Peel-O-Matic atau dikenali sebagai mesin pengupas kulit lada dibangunkan untuk memudah dan meningkatkan pengeluaran lada putih dan lada putih berkualiti premium.

Kumpulan penyelidik yang diketuai Profesor Madya Dr. Rosnah Shamsudin dari Jabatan Kejuruteraan Proses dan Makanan, Fakulti Kejuruteraan, Universiti Putra Malaysia (UPM) telah mengambil inisiatif untuk membangunkan teknologi Pepper Peel-O-Matic itu.

Beliau merupakan Presiden Persatuan Jurutera Pertanian Malaysia atau dikenali sebagai Malaysian Society of Agricultural Engineers (MSAE) yang telah banyak membangunkan mesin-mesin yang sesuai untuk industri kecil dan sederhana (IKS).

Baru-baru ini, Rosnah telah memperkenal mesin tersebut kepada penduduk Rumah Panjang Melina, Luing Spak, Betong, Sarawak, yang juga dihadiri sekitar penduduk Rumah Panjang Beti Mujau, Rumah Panjang Ambu Gerugu dan Rumah Panjang Jambai Kerapa.

## FAKTA

- Lada putih mempunyai aroma yang lebih tajam dan pedas berbanding lada hitam.

● Menurut Lembaga Lada Malaysia (MPB), Malaysia pengeluar terbesar lada kelima dunia iaitu sebanyak 28,500 metrik tan selepas Vietnam (130,000 tan metrik), Indonesia (71,500 metrik tan), India (65,000 metrik tan) dan Brazil (41,500 metrik tan).

Kebaikan:

- Meningkatkan pengeluaran lada putih sebanyak 30 peratus (dibandingkan cara tradisional)
- Mengurangkan tempoh rendaman
- Menjimatkan masa dan tenaga
- Mudah dikendalikan
- Mudah diselenggara
- Mudah dialihkan mengikut kesesuaian
- Proses yang lebih bersih menghasilkan lada putih premium

**Potensi pasaran:** Penanam dan Pengusaha lada putih

**Ketua Projek:** Profesor Madya Dr. Rosnah Shamsudin

**Ahli:** Christine Jamie anak Vincent Eddy

**Jabatan:** Jabatan Kejuruteraan Proses dan Makanan UPM

**Fakulti Kejuruteraan UPM**

Tel: +603-89466366/+603-

89466363

**Tempahan:** Jamie (010-2260112) / themachinesolution@gmail.com



DR. ROSNAH SHAMSUDIN menyerahtakan sijil kepada seorang peserta.

## Bengkel bantu tingkat pengeluaran



UPM memberi mbimbang kepada pekebun mengenai mesin pengupas kulit lada putih di Sarawak baru-baru ini.

menggosok untuk menanggalkan kulit hijau lada, kedua adalah mengayak untuk mengasingkan kulit lada dari biji lada dan ketiga untuk membersih lada putih. Mesin berkenaan direka bentuk khas yang mampu menanggalkan kulit lada tanpa mencederakan biji lada bagi menghasilkan lada putih premium.

Dengan menggunakan mesin

ini juga berupaya mengurangkan masa rendaman lada daripada tujuh hari sahaja bergantung kepada kematangan lada hijau. Selepas proses perendaman, lada tanpa tangki dimasukkan ke dalam mesin dan biji lada yang bersih akan dihasilkan. Seterusnya akan dijemur dipanas matahari.

Dengan menggunakan mesin

berkenaan, ia mampu meningkat penghasilan lada putih sebanyak 30 peratus jika dibandingkan cara tradisional. Malah penggunaan mesin berkenaan juga boleh menjimatkan masa dan tenaga pekerja. Mesin telah direka bentuk sesuai untuk digunakan oleh golongan peladang lada iaitu mudah dikendalikan dan diselenggarakan.

Mesin tersebut mudah alih dan boleh diletakkan di tempat yang sesuai. Mesin berkenaan telah berjaya memenangi beberapa pingat seperti Finalis Anugerah Harta Intelek Negara 2014, Pingat Emas dan Anugerah Honor of Invention dalam Pameran Inovasi dan Reka Cipta Kejuruteraan Antarabangsa (I-ENVEX) 2013.